











S. VIII. 33.



Amplissimæ funeris deductioni

V I R I

*Reverendi, Amplissimi & Consultissimi,*

**D. N. JODOCI**  
**NEOMARCI,**  
Ecclesiæ Cathedralis ad D. Ma-  
riæ & Illustr. Pædagogij Stetin. Capitularis ac  
Provisoris, nec non Regij Archidicasterij  
ibidem Protonotarij meritissimi,  
desideratissimi:

Q U I

*Editus in hanc lucem Dantisci, Anno CHRISTI*

*1589. die 6. Novembris; eadem orbatus Stetini, d. 2. Julij*

*A. C. 1641. ætatis suæ 51. mens. 8. hodie, n. 8.*

*ejusd. mens. in Templo Mariano ibid. more*

*Christiano & solenni, terre man-  
dabitur:*

Ut omnes & singuli in Illustri Pædagogio Stu-  
diofi Juvenes, frequentes, pieq; lugentes & con-  
dolentes intersint, hortatur, vacante  
Rectoris loco,

**M. HEINR. KIELMANNUS, ejusd.**  
Pædag. ConR. Gr. L. & Poës. Prof.

STETINI, Typis GEORGII GOETSCHII.



Terum bodierno die nobis obversatur  
ante oculos exemplum inopinatum fra-  
gilitatis & inconstantiae, vita sortisq; hu-  
mana, in funere Reverendi, Amplissimi  
& Consultissimi Viri, Dn. JODOCI  
NEOMARCI, Ecclesiae Cathedralis Mariana & Il-  
lustris Pedagogij Szezin. Capitularis ac Provisoris, nec  
non Regij Archidicasterij ibidem Protonotarij digni-  
ssimi fidelissimiq;: qui decurso vita mortalis spatio, in  
medio honorum & laborum curriculo, excessit e rebus  
humanis; summoq; in luctu & dolore acerbissimo super-  
stitem uxorem viduam, liberosq; orphanos, & omnem  
deniq; familiam honoratissimam post se reliquit. Quo  
casu planè inexpectato non diffitemur nostrum etiam  
Pedagogium perturbatum vehementer esse: cum in-  
telligamus, eum virum nobis ereptum esse, qui & orna-  
mento urbi huic & universo Ducatui fuerit, & in fun-  
ctionibus tam arduis & laboriosis cuius fidem & indu-  
striam suam probaverit hactenus; & qui deinceps et-  
iam, si per fata licuisset, supremae Curiae Aulicae, Tem-  
ploq; & Pedagogio nostro operâ salutari fructuosè &  
utiliter inservire potuisset. Verum quia sic visum Deo  
fuit, ut ex mundanis hisce arumnis animam sibi pla-  
centem maturè eriperet, & in arcem vitae & latitiae  
coelestis ex hoc terreno carcere transferret: ipsa nos  
pietas Christiana jubet & ferre moderatius Viri Am-  
plis-



plissimi obitum, & totis pectoribus ad eundem aspirare  
portum, in quo similiter anima nostra, ex hoc tempe-  
stoso elucta a pelago, sempiternam in CHRISTO qui-  
etem ac beatitudinem consequantur. Vota interim si-  
mul conjungamus & fundamus ad DEUM ardentia,  
ut is, inter pericula ingruentia, Tempa, Politias &  
Scholas clementer protegat; regat & conservet eos,  
qui adhuc superstites illis debita cum fide & diligentia  
præsunt; & pro Viris praestantibus pie defunctus exci-  
tet alios, qui non minori cum laude fructuq; gloria san-  
ctissimi Nominis ipsius, & communi hominum societati,  
in futurum etiam tempus quam diutissime inservi-  
ant. Ut autem Viri hujus meritisimi familia relictæ  
incestissima nostro quoq; loco significationem aliquam  
præbeamus Christianæ civitati Delas, atq; hoc modo luctum,  
in quo jam versatur, & dolorem ingentem officio nostro  
qualicunq; allevemus; paucula quadam hoc tempore,  
quo funeris exequia pro more, programme publico  
significantur, proponenda sunt, ex quibus tum orna-  
menta generis splendidissimi, tum vitæ ipsius Defuncti,  
Viri Spectatissimi, curriculum honestum & præclarum,  
aliquo saltem modo Juventis Studiosa perspicere possit.

Natus est o uicaginta in urbe Regia DANTISCO,  
Anno CHRISTI, supra millesimum, quingentesimum,  
octogesimo nono, die 6. M. Novembr. parentibus pieta-  
te, fide, gravitate, generisq; splendore maximè conspi-  
cuis. Pater ejus fuit Vir honoratissimus & integer-  
rimus,



rimus, Dn. GEORGIUS NEOMARCUS, Civis &  
Mercator ibidem primarius, nec non Templi Petri  
Provisor & Curator optimè meritis. Matrem verò  
habuit Matronam omni virtutum genere ornatissimā,  
REGINAM, ex antiqua & celebri GERICHIO-  
RUM familiā oriundam. Hi parentes laudatissimi, pie  
nem. filium suum maturè sacro Baptismatis fonte ab-  
lui, ac mystico CHRISTI corpori insericurarunt: cu-  
jus quidem fœderis cum CHRISTO initi, per omnem  
vitam, in adversitatibus quibusvis ad extremum usq;  
halitum, magna cum spe & fiduciā memor ille fuit.  
Postea piè liberaliterq; domi & in schola patria ad annū  
usq; ætatis octavum educatus est. Cum verò in ipso na-  
tura quedam indoles non vulgaris animadvertere-  
tur, missus est STETINUM in Scholam Senatoriam,  
ibiq; in studio pietatis & literarum Artiumq; bonarum  
instituentis traditus Preceptoribus doctis atq; solerti-  
bus. Quinquenniō hic transactō, cum prima lingua-  
rum & Artium rudimenta non infeliciter imbibisset;  
voluntate Dn. Parentis sui ablegatus est in Poloniam:  
ubi in Collegio POLTOFFKIENSI non ignobili  
per biennium studijs humanioribus operam dedit. Hinc  
DANTISCUM revocatus, in celeberrimo, quod  
ibi est, Gymnasio, sub Philosopho Excellentissimo, Dn.  
BARTHOLOMÆO KECKERMANNO, in  
opt. Artes & Philosophiam per triennium summo stu-  
dio & fervore incubuit. Postquam ergo eo etiam in  
loco



loco tantum profecisset, ut ingenuas Artes ac Discip-  
linas calleret sufficienter; adeoque necessaria fundamen-  
ta jam teneret, quibus aedificium alicuius sublimioris  
Disciplina superstrui commodè posse videbatur; contu-  
lit se de consilio Dn. Parentis, nec non Dnn. Professorū  
et Præceptorum suorum, tam publicorum quàm pri-  
uatorum, in Inchoatam Academiam WITTEBER-  
GENSEM: ubi primordiis Disciplina Juridica, DEO  
Duce et auspice, capiendis annum unum impendit. Sed  
ut diversis in locis studiorum cursum, quem sibi propo-  
suerat, Clarissimorum Virorum operâ feliciter confice-  
ret atque absolueret, et simul alias lustraret urbes atque  
Academias; Wittebergâ deinde in Almam GIESSE-  
NAM commigravit Academiam, ibique Studium Juri-  
dicum, laudabiliter coeptum, triennium integrum con-  
tinuavit. Rursum inde in florentissimam HEIDEL-  
BERGENSIUM Academiam perrexit, et ibi quoque  
ultra annum in lectionibus et disputationibus Juri-  
dis frequens admodum et assiduus fuit. Hac commo-  
ditate locorum et temporum usus, SPIRA Metiam,  
laudatissimâ Camerâ Imperiali apprimè nobilem et cla-  
ram, nonnunquam adiit, ut processus variarum Cau-  
sarum, quæ ex toto Imperio illuc devolvuntur, videret  
atque cognosceret. Peregrinationis insuper amore per-  
agravit ALSATIAM, tractus CIS- et TRANS-  
RHENANOS, FRANCIAM, SVÆVIAM, HAS-  
SIAM, SAXONIAM, INFERIORIS GERMA-



NIÆ provincias etc. & memorabilia quaecumq; sibi  
oblata singulari prudentiâ observavit atq; notavit.  
Postquam ita sexennium ferme in studio Legali & Po-  
litico contrivisset, & totam Germaniam perlustrasset,  
interea verò Pater ipsius diem suum obÿisset, eiq; hac  
de causa Anno 1613. in Patriam revertendum fuisset;  
vix altero post reditum mense elapso, Legationem in  
causa satis ardua obÿt, missus à Magnifico & Nobiliss.  
Senatu Dantiscano in SVECIAM ad Regiam Maje-  
statem, beatissimæ & gloriosiss. recordationis: ubi per  
annum integrum commoratus, negotium sibi commis-  
sum, non sine fruge, magnâ expedit dexteritate. Et  
licet in Patria functiones honorificæ oblata ei essent;  
DEO tamen volente ac disponente factum est, ut no-  
ster ò ἐν αἰῶνι ex voto Dn. Parentis piè premortui in  
hac urbe sedem rerum ac fortunarum suarum consti-  
tueret. Singulari enim providentiâ Divinâ, suasuq; &  
consilio Propinquorum, Anno 1614. die 2. Septembr.  
presentibus pluribus Principum Legatis, in matrimo-  
nium accepit Nobiliss. & lectiss. Virginem EUPHRO-  
SYNAM, Reverendi quondam, Nobiliss. & Consultiss.  
Viri, Dn. ANTONII PETERSTORFII, Canonici  
Camminensis, Ecclesie Cathedralis Mariana Stetini  
Capitularis, nec non Ill. Archidicasterij per annos 48.  
Protonotarij, filiam dilectissimam, nunc Viduam mœ-  
rissimam: cum qua in conjugio tranquillo ac suavi  
vixit annos 26. menses 10. & ex ea quatuor suscepit li-  
beros,



beros, è quibus per DE I gratiam duo adhuc supersunt  
filij, & filia unica. Anno 1619. noster uaxagius ab Illu-  
striß. quondam, Reverendiß. & Celsiß. Principe ac Dn.  
Dn. FRANCISCO, Duce Pomeranorum & c. Episco-  
po Camminensi & c. Dn. nostro clementiß. laudatissima  
recordationis, ad munus REFERENDARII vo-  
catus, nec non venerando Seni, dicto Dn. PETERS-  
TORFIO, sublevandorum laborum causa, tanquam  
VICE PROTONOTARIUS adjunctus est: cui  
etiam Anno 1628. post pium illius obitum in PRO-  
TONOTARIATU successit. Eodem anno 1628.  
Vir piè defunctus, Ecclesia Cathedralis Mariana &  
Ill. Padagogij nostri Capitularis ac Provisor constitu-  
tus est. Atq; bis officiis omnibus tanta fide, cura & in-  
dustria prefuit, ut nemo quicquam jure queri de ipso  
potuerit. In reliqua ipsius vita candidus & apertus  
eluxit animus, nihilq; in eo fictum aut simulatum fuit:  
omnibus ex animo bene cupijt, nocentem expertus est  
nemo. Exercitia pietatis, & domi suæ, & in conventi-  
bus Ecclesiasticis, quotidie summa cum religione co-  
luit. Adversa omnia magno animo contempsit, & no-  
bili vincendi genere, patientiâ, vincere fortiter potu-  
it: soli DEO confisus, & bonâ fretus conscientia, re-  
ctè agendo neminem metuit. Egenorum inopiam pro-  
modo facultatum benignè sublevavit; & ut verbo  
dicam, per omnia vitam suam ad veri Christianismi  
leges unice conformavit.

Quod



Quod ad morbum attinet, qui pie de mortuo vita  
finem attulit, acer ille & periculosus fuit, quod alios  
etiam hoc tempore inopinato sublato & extinctos no-  
vimus. Gravissima enim ventriculi affectu, quem ca-  
lor & ardor nimis comitabatur, laboravit. Et licet  
idoneorum medicamentorum usu adeo mitigatum fue-  
rit hoc malum, ut optima recuperanda valetudinis  
spes affulserit, omniq[ue] res in vado [quod ajunt] visa  
fuerit esse: tandem tamen præter omnium opinionem  
prorsus recrudescere coepit morbus, ita ut signa se-  
lethifera manifestè exhiberent. Quod cum ipse etiam  
agrotans facile persentisceret, divine voluntati se  
totum commisit, ususq[ue] sacrosancto viatico Cœne Do-  
minicæ (quod etiam ante hebdomadas 5. fecerat) die  
2. hujus mensis, ipso festo Visitationis Mariæ, post ho-  
ram quintam pomerid. vitam in CHRISTO, inter-  
pias preces atq[ue] suspiria, placidissimè finijt; cum in ter-  
ris huius annos 51. & menses octo vixisset.

Corpus illius exanime hodierno die hora 2. ritibus  
Christianis & solennibus ad sepulturam efferetur: quo  
tempore ut omnes & singuli studiosi Juvenes frequen-  
tes in Auditorio majori conveniant, & Præceptores in  
funus prodituros sequantur, offici ratione hortamur.  
Est hoc studium & officium non tantum dignum ordi-  
ne nostro, sed Defuncti etiam virtuti, fidei ac meritis in  
Pædagogium nostrum amplissimis omnino debetur.  
Publ. propos. anno & die, ut supra.





921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VIII.33



